



Félag atvinnurekenda
Ólafur Stephensen, framkvæmdastjóri
Skeifunni 11
108 Reykjavík

Reykjavík 1. mars 2024

Efni: Notkun alþingismanna á vildarpunktum flugfélaga.


Vísað er til erindis Félags atvinnurekenda frá 23. október 2023, sem ítrekað var með bréfi dags. 22. febrúar 2024, þar sem athygli var vakin á því að þingmenn þiggi mögulega vildarpunkta fyrir að beina viðskiptum til tiltekinna flugfélaga með tryggðarkerfi sem fari gegn lögum og síðareglum fyrir alþingismenn.

Þegar alþingismenn og starfsfólk Alþingis sækir fundi og ráðstefnur erlendis vegna starfs síns er skipulag ferðar á hendi starfsfólks skrifstofu Alþingis. Ferðafulltrúi útbýr ferðaáætlun miðað við dagskrá fundar með því að kynna sér flugáætlunar á netinu og hvaða flugfélög fljúga milli áfangastaða. Geri ferðaáætlun ráð fyrir flóknari ferð, svo sem tengiflugi eða samsettum flugleggjum hjá mismunandi flugfélögum er leitað aðstoðar ferðaskrifstofu. Ferðaáætlun er ákveðin hverju sinni með hliðsjón af dagskrá og hagkvæmni og borin undir viðkomandi þingmann og starfsfólk áður en farmiði er gefinn út.

Þau sjónarmið sem lögð eru til grundvallar við val á flugáætlun eru áfangastaður fundar/ráðstefnu, vikudagar flugs, flugtími, heildarferðatími, heildarverð ferðaáætlunar, möguleikar á tengiflugi og samstarfi flugfélaga til að tryggja ábyrgð á að koma ferðalöngum á áfangastað, möguleiki á sólarhringsneyðarþjónustu, möguleiki á kaupum á flugmiðum með mismunandi áfangastað og brottfarastað og kolefrisspor. Við gerð ferðaáætlunar fyrir alþingismenn getur flugtími skipt verulegu máli enda hvíla ríkar skyldur á þingmönnum að taka þátt í þingstörfum og dvelja því ekki lengur erlendis en þörf krefur. Í undantekningartilfellum ganga alþingismenn sjálfir frá flugbókun en slíkt gerist einkum ef ferðaáætlun breytist vegna einkaerinda. Skrifstofan endurgreiðir alþingismanni slíkan kostnað en einungis upp að þeirri fjárhæð sem ferðaáætlun hefði ellegar kostað. Skrifstofa Alþingis skráir hvorki vildarpunkta við bókun í bókunarvélum flugfélaga né óskar eftir því að það sé gert ef flugfélög og ferðaskrifstofur annast flugbókun.

Samkvæmt 2. mgr. 88. gr. laga nr. 55/1991, um þingsköt Alþingis, sbr. einnig 1. mgr. 17. gr. siðareglna fyrir alþingismenn, er það forsætisnefnd Alþingis sem fjallar um mál er varða siðareglur, framkvæmd þeirra og brot á þeim. Það er því ekki í verkahring forseta Alþingis að meta hvort tiltekið háttarni standist siðareglur fyrir alþingismenn. Þá er það ekki hlutverk forseta Alþingis að meta hvort möguleg notkun alþingismanna á vildarpunktum í persónulega þágu standist almenn hegningarlög, það er í höndum löggreglu og ákærenda.

Hvað viðkemur þeirri fyrirspurn hvort að það standist reglur fjármála- og efnahagsráðherra um greiðslu ferðakostnaðar frá 1. október 2020 að þingmenn noti vildarpunkta í eigin þágu skal tekið fram að um erlendan ferðakostnað alþingismanna gilda ákvæði laga nr. 88/1995, um þingfararkaup alþingismanna og þingfararkostnað, og eftir atvikum reglur forsætisnefndar um þingfararkostnað. Um þessar mundir stendur yfir vinna við endurskoðun laganna en þar er m.a. til skoðunar hvort að almenn fyrirmæli ráðherra um ferðakostnað á vegum ríkisins gefi tilefni til að endurskoða reglur um þingfararkostnað



Birgir Ármannsson
forseti Alþingis